

A1<sup>v</sup>


---

SO nun jetz etlich zeyt vergangen lauff vnd spån auch  
 irrungen/ durch viel vnd manichfelig Bûchlein außgangen/ die  
 Heilfame Bûcher ewiger feligkeyt vnd fridfamen lebens etliche zeyt ge  
 schlaffen habenn/ doch (ohn zweiffel) vonn dem herren Jefu/ durch sein  
 gnad bald widerumb erweckt werden/ ift mitler zeyt/ diß Buch zufamē  
 gelesen von dem Ehrwürdigen vatter vñ bruder/ Johannes Pauli Bar  
 fûffer ordēs leßmeister zu Taun/ in dem Barfûffer Clofter/ in welchem  
 Clofter/ er bey viertzig jaren dafelbft geprediget/ hat er diese exempel zu  
 famen gelesen auß alten bûchern/ welche jhm darzudientlich gewefen/  
 vnd hat diß Buch genant/ Schimpff vnd Ernft/ darumb das hierin be  
 griffen find Parabolen/ zu beyden hândlen/ Geyftlich vnd Weltlich die  
 nende. Das auch nit verloren werd/ das wort des heyligen Euangelii  
 Lesen die Brófamlein zufamen/ das lie nit verlorenn werden 7c. Es ift  
 auch ein arm ding das einer ftets braucht das/ das da funden ift/ vnd dz  
 er nichts newes findt/ vnd das funden ift/ nit beffert. Darumb bit auch  
 der fchreiber diß Buchs/ oben gemelt/ das mann es wöll auffnemen der  
 meinung/ wie er es gemacht hat/ nit verkeren in das böß/ fonder wo er jm  
 zuuul oder zu wenig gethan/ das beffern vnd meren vnd andere  
 gut ftuck her zu fetzen/ die fich zimen/ vñ ift etwas ftreff  
 lichts hierin gefetzt/ fo begertter verzeyhung  
 vonn Got dem Herren/ auch von al  
 len/ denen diß Buch  
 furkompt.  
 Hiemit alle menfchen Gott befolhen.

Q5<sup>r</sup>

xcv

Volgen etliche ſchimpffliche  
Comedien Plauti/ In Menechino/ Ba-  
chide/ vnd Philogenia Vgolini.

Prologus ein vorred in die Comedien  
Plauti des poeten in Menechino.

ES habē Plautus/ Terentius/ vnd ander Comi-  
ci Poeten/ gewonlich vor eingange vnd anfahen jhrer Comedien/  
ſich gebrauchet einer frölichen ſchimpfflichen vorrede vnd ermanung/  
dardurch ſie das volck zu fleißiger auffmerckūg die comedien zu hören  
möchten bewegen vnd des volcks gunft vnd wolgefallen erlangen.  
Afo will ich auch ein ſchimpffliche vorrede gebē/ Nach jhrer gewonheit mit dieſen  
wortenn viel gruß/ heil vnd gefundheyt ſei mit vnns allen/ ich bring euch yetzundt  
freud vñ frölicheit mit der zungen vnd nit mit den henden/ bitt euch jr wöllet darzu  
gütlich verleihen die oren/ ob ich in kurtzer zeyt getruncken het vnd vielleicht zū viel/  
ſölt ihr alle gegenwertig Richter ſein/ ſo ich Barbariſch/ Kriechiſch vnd nicht ver-  
ftendtllich reden würd. Der Kriechiſch Keyſer laßt euch allen gebitten zū ſchwei-  
gen vnd zū hören/ vnd mit guttem müß nider zū ſitzen/ jr ſeit hungerig oder gefettiget  
her kommen/ wer geſſen vnd getruncken hat iſt weiß gewelt/ ob jm die Sonne auff die  
glatzen ſcheinē wurd/ vñ wer noch nüchtern iſt/ der werd gefettigt mit diſer fabeln vñ  
mit worten/ wann ein yeder hören wirdt/ das jhm luſtig zū effen iſt/ aber der hat tōr-  
lich gethan/ der nüchtern her kommen vnd nider gefeſſen iſt. Nun nemet hin das  
Argument vnd materi dieſer Comedien/ mit kurtzen worten/ entpfahet ſie in ewr ſine/  
vnd vermercket was folche vnd andere nachuolgende Comedien/ vñ güten vnd böfen  
ſitten der menſchen/ laegen vnd außweifen. Ermane ich euch/ durch ewer aller gütig  
keyt im aller beſten/ die gutten zū vmbfahen vnd zū behalten/ vnd die böfen ſitten zū  
verachten vnd zū vermeiden.

V1<sup>r</sup>

## Philogenia

CXV

Eyn ende hat die Comedia genant Philogenia/ Vnd  
fahet an die Comedia Plauti in Bachide.

Die Comedien in Bachide/ fagt vō  
zweyen ſchweſtern der yetwedere genant ift Bachis/ da-  
rumb die ūbergelchriftt dieſes Capitels gefelt wirdt Plautus in Bachide.  
wann Plantus der Poet von dieſen zweyen ſchwe-  
ſtern gefchrieben hat.

Plautus inn Bachide ift dieſes Būchlin in Latein ge-  
nant/ wañ plautus der Poeta vnd lerer hat es gemacht vnd heyffet inn Ba-  
chide/ wañ es fagt von zweyen ſchweſtern die yegkliche genant ift Bachis/ Darumb  
wil ich den ſelben namen Bachis in dieſem būchlin nit verwandeln/ aber all ander na-  
men der andren perſonē/ darumb ſo ſie ſein kriechſich vñ vngewōlich wil ich verwan-  
deln in teutfch/ vñ gewonlich namen. Vnd Plautus der poeta ift bürtig gewefen auß  
einer ſtat genañt Sarfinū gelegē in Tufcaner land/ vñ ift lang zeit gewefen/ vor Chri-  
ſti vnſers herrē geburt/ vñ hat gemacht viij. būcher in latein die man gemeynlich hat/  
aber dieſes hernach gefchriebē būchlin mit ſampt andern eylffen/ die ſein lang zeit wol  
bei fünffhundert jarn oder mer verloren vnd verborgen gewefen/ vñ neulich in Con-

V

V1<sup>v</sup>

---

Comedia Plauti

cilio zů Bafel wider gefunden · Alfo das die materi wider newe ift bey gelerten vnd vn  
gelerten/ vnnd darumb defter luftiger vnd begirlicher zů lefen.